


Nasilje u kuci uništava cijelu porodicu.



Griješite ako smatrate da ženama najveća opasnost od nasilja prijeti na ulici, van sigurnosti koju osjećamo u svom domu. Žene su češće izložene napadima u vlastitoj kuci, i to od ljudi s kojima žive. Nasilje u kuci, koje pogada žene svih dobi i iz svih zemalja svijeta, predstavlja zlostavljanje koje se javlja u mnogo različitih oblika. Pored fizičkog nasilja, zlostavljanje može uključivati prijetnje, uvrede ili seksualni napad. Može uključivati i miješanje u licnu slobodu osobe time da joj se ne dozvoli vidanje rodaka ili prijatelja, ili da joj se ne daje novac na koji ima pravo. Ove vrste zlostavljanja imaju nešto zajedničko – sve su to nacini koje neko (najčešće muškarac, ali ponekad i žena) koristi da kontroliše partnera a ponekad i druge članove porodice.

Neki smatraju da je ovakvo zlostavljanje privatna stvar koja se rješava u okviru porodice. Ali nasilje u kuci predstavlja krivično djelo i porodice imaju pravo na zaštitu. Ako se nasilje taji i o njemu šuti, time se samo omogućava da se nastavlja, što fizički i emocionalno pogada sve članove porodice. Ako se ništa ne preduzme, nasilje se obično pogoršava, a ponekad završava teškim povredama ili smrću.

Čak i kad se zlostavlja samo jedna osoba - obično supruga - cijela porodica strada. Kod djece koja odrastaju u nasilnim porodicama se mogu pojaviti problemi - mogu steci uvjerenje da se odraslima, pogotovo muškarcima, ne može vjerovati; mogu se odati alkoholu ili drugim opojnim sredstvima. Kad odrastu i imaju svoje partnere i vlastitu djecu, mogu se prema njima nasilnicki ponašati. Zbog toga ne možemo reci da se nasilje u kuci nikoga ne tice - to je problem koji pogada cijelo društvo.

Mnoge žene godinama trpe nasilje u kuci. Ponekad zato što smatraju da to "zaslužuju", ili to opravdavaju drugim problemima kao što je kockanje, alkohol ili problemi u odnosima. Ali


niko ne zaslužuje da bude zlostavljan i za takvo ponašanje naprosto nema izgovora.

Kako žene mogu sebe i djecu zaštititi od nasilja u kuci? Postoje službe koje mogu pomoći putem savjetovanja, pravnog savjeta ili hitnog smještaja. Možda vam je teško odluciti zatražiti pomoć - ali to predstavlja prvi korak prema mirnijem porodicnom životu.

Osobe koje znaju da im prijateljica ili rodaka trpi nasilje u kuci također mogu pomoći. Ne tako da joj kažu da sigurno pretjeruje ili da "ima više strpljenja s njim" ili da "se više potruđi", nego tako da joj povjeruju i ponude pomoć. Cijela zajednica može pomoći tako da se otvoreno usprotivi nasilju u kuci i jasno kaže da takvo ponašanje nije prihvatljivo.



The National Domestic Violence Hotline



1-800-799-SAFE

1-800-799-7233

Text by the New South Wales Multicultural Health Communication Services (<http://mhcs.health.nsw.gov.au>) Software by Healthway Software ©2002 This work is licensed under the Creative Commons Attribution-NonCommercial-NoDerivs License <http://creativecommons.org/licenses/by-nc-nd/3.0/us/>

A Healthy Roads Media project

www.healthyroadsmedia.org